

मार्निंग डोगरी न्यूज़ बुलेटिन, समें. 09-20 Hrs

<><><><><><>

खास—खास खबरें

Headlines

- लोकसभा चुनाव 2024 दे 5में गेड़ दे मतदान लेई चुनाव प्रचार अज्ज संजा मुक्का'रदा ऐ। इस गेड़ तैहत जम्मू कश्मीर दी बारामुला ते लद्दाख दी इक्कली लोक सभा सीट लेई बी 20 मई गी वोट पोआए जांगन।
- बारामुला सीट दे कुल 26 ज्हार कश्मीरी विस्थापत मतदाताएं चा 18 ज्हार मुल्खै दे बक्ख—बक्ख हिस्सें च बनाए गेदे मतदान केन्द्रें च वोट पांगन।
- प्रदेश जांच अजेसी एसआईए नै राजौरी हिंसा च शामिल 2 आतंकवादिएं खलाफ पूरक आरोप पत्र दाखल कीता ऐ।
- एनसीसी दे महानिदेशक, फिल्म निर्माता रोहित शेट्टी ते केई होर शिष्टमंडल कल उपराज्यपाल मनोज सिन्हा होरें गी मिले।

<><><><><><>

Election Campaign

20 मई गी होने आले लोकसभा चुनाव दे 5में गेड़ लेई चुनाव प्रचार अज्ज संजा मुक्की जग। इस गेड़ च बारामुला लोकसभा सीट ते लद्दाख दी इक्कली सीट लेई बी मतदान होग। अधिकारिएं मूजब मतदान थमां 48 घेंटे पैहले चुनाव प्रचार गी रोकी लैने दे हुक्म न ते एह्दे परैंत जेह्ड़े बी चुनाव प्रचारक इस हल्के थमां नेई ऐन उनेंगी उस पार्लिमानी हल्के बाहर उठी जाना लोड़चदा ऐ। इस सिलसिले च मुत्तलका जिला चुनावी अफसर दी निगरानी च इक व्यापक अभियान बी चलाया जा'रदा ऐ। उआं बारामुला लोकसभा सीट लेई 22 मेदवार चुनाव मैदान च न, पर मुख् मकाबला साबका मुख्मंत्री ते नैशनल कांफ्रेंस दे नेता उमर अब्दुल्ला ते साबका विधायक इंजीनियर रशीद बश्कार ऐ। लद्दाख च बीजेपी, कांग्रेस ते कारगिल जिले थमां आजाद मेदवार बश्कार मकाबला दिक्खेआ जा'रदा ऐ।

<><><><><><>

Migrant Voters

बरामुला—कूपवाड़ा लोकसभा सीट लेई होने आले चुनां च कश्मीरी विस्थापतें दे कुल दर्ज 26 जहार मतदाताएं चा 18 जहार शा बद्ध कश्मीरी विस्थापत पूरे मुखे च इस सीट लेई अपने वोट पाई सकदे न। 5में गेड़ च 20 मई गी होने आले इने चुनां च 6 राज्यें ते 2 केन्द्र शासत प्रदेशों दी 49 लोकसभा सीटें लेई वोट पाए जांगन। कश्मीरी विस्थापत अपने वोट पाने दे हक्कै दा इस्तेमाल करी सकन, एहदे लेई जम्मू, दिल्ली ते उधमपुर च विशेष मतदान केन्द्र बनाए गे न। इस गल्लै पर चेचा ध्यान दिंदे होई जे मते शा मते कश्मीरी विस्थापत लोक अपने वोट पाने दे हक्कै दा इस्तेमाल करन, अधिकारिएं केई गैह पुट्टियां न। की जे पिछले चुनाएं च मतदाता सूचिएं च इनें विस्थापतें दी शमूलियत नेई होने कारण उनें एतराज जाहर कीता हा।

<><><><><><>

Campaign Schedule

लोकसभा चुनां दे अगले गेड़ दे मतदान लेई चुनां प्रचार जोर—शोरें जारी ऐ। इस 5में गेड़ तैहत 20 मई गी बरामुला लोकसभा सीट लेई ते 6में गेड़ तैहत 25 मई गी राजौरी—अनंतनाग सीट लेई वोट पोआए जाने न। मते शा मते मतदाताएं गी अपने पक्खे च करने लेई बक्ख—बक्ख सियासी पार्टिएं दे लीडर ते स्टार प्रचारक रैलियां ते रोड शो करै करदे न। बरामुला सीट पर मुख साबका मुखमंत्री ते नैशनल कांफ्रेंस दे वरिष्ठ लीडर उमर अब्दुल्ला ते जेलै च बंद इंजीनियर रशीद बश्कार ऐ। जिसलै जे अनंतनाग सीट पर मुख मकाबला साबका मुखमंत्री ते पीडीपी प्रमुख महबूबा मुफ्ती, INDI गठबंधन दे समर्थन आली नैशनल कांफ्रेंस दे मेदवार मियां अल्ताफ ते बीजेपी दे समर्थन आली अपनी पार्टी दे जफर मन्हास हुंदे बश्कार ऐ।

<><><><><><>

Navyug Tunnel

जम्मू श्रीनगर राष्ट्री जरनैली शिड़क पर नवयुग सुरंग काजीगुंड च आर्टिफिशल इंटेलीजेंस कन्नै चेहरे दी पंछान आली प्रणाली स्थापत कीती गई ऐ। आकाशवाणी दे जम्मू संवाददाता दी रिपोर्ट मूजब आर्टिफिशल इंटेलीजेंस आली इस प्रणाली दी मदाद कन्नै खित्ते च अपराधिएं, नशा तस्करें ते बंदिश आले संगठनें दे सदस्यें दी शिनाख्त करने च बड़ी मती मदाद हासल होग। एह प्रणाली अपराधिक गतिविधिएं च शामिल लोकें, भगोड़े—अपराधिएं, नशा—तस्करें, ओवर ग्राउंड वर्करें ते होरने अपराधिक रिकार्ड आले लोकें दी पंछान सखल्ले गै होई सकोग। इस उन्नत किस्म दी तकनीक दे राएं पुलस ना शड़ा अपराधिएं दा मते असरदार ढंगै सिर पता लाई सकोग, सगुआं खूफिया तंत्र ते पुलस दे कम्मं काजें च बी बेहतर ढंगै सिर योगदान देई सकोग। आम लोकें दी सुरक्षा जकीनी बनाने ते अपराध ते अपराधिएं पर काबू पाने च बी एह तकनीक मती मददगार साबत होग।

करन लगी पौंदी ऐ। इस जड़ी दा माहनू ते पशुएं दी सेहत पर माड़ा असर पौंदा ऐ जेहदे नै अलर्जी दी समस्या ते इत्थूं तगर गै मिट्टी पर बी एहदे माड़ा असर पेई सकदा ऐ। कुदरती तरीके कन्नै इसी खत्म करने लेई जाम्बू चिड़िया घर च त्रिडिडएं आंगर दे विशेष कोई 500 कोला मते कीड़े जोड़े गे न जेहड़ी शड़ी इयै जड़ी खांगन ते होरने बूहटें पौधें गी कोई नुकसान नेई पजांगन।

<><><><><><>